

受持七佛名号所生功德經

唐藏法師 玄奘奉 詔譯

如是我聞一時薄伽梵在室羅筏住誓多林給孤獨園與無量無數聲聞菩薩摩訶薩俱及諸天人阿素洛等一切大眾前後圍遶爾時世尊告舍利子吾今愍念一切有情略說受持七佛名号所生功德令受持者當獲殊勝利益安樂汝應諦聽極善思惟吾當為汝分別解說舍利子言唯然世尊願樂欲聞佛告舍利子於此東方有一佛土名曰離垢眾德莊嚴彼土有佛名曰輪遍照吉祥如來應正等覺明行圓滿善逝世間解無上丈夫調御士天人師佛薄伽梵今現在彼哀愍世間為諸大眾說微妙法開示初善中善後善文義巧妙純一圓滿清白梵行若有得聞彼佛名者便超百千俱胝大劫生死長夜流轉劇苦隨在所生常識宿命有能受持彼佛名者不失如前所獲功德復於百千俱胝大劫隨

所生處心離愚癡於天人中受諸妙樂有能建立彼佛形像供養恭敬尊重讚歎不失如前所獲功德復於無量俱胝大劫隨在所生常得值佛速證無上正真菩提

復次舍利子於此東方復有佛土名曰妙覺眾德莊嚴彼土有佛名妙功德柱吉祥如來應正等覺明行圓滿善逝世間解無上丈夫調御士天人師佛薄伽梵今現在彼哀愍世間為諸天人說微妙法開示初善中善後善文義巧妙純一圓滿清白梵行若有得聞彼佛名者便得超越一切八難隨在所生常識宿命有能受持彼佛名者不失如前所獲功德復於無量俱胝大劫隨在所生心常聰慧恒居善趣受諸妙樂有能建立彼佛形像供養恭敬尊重讚歎不失如前所獲功德復於無量俱胝大劫隨在所生常得值佛修行一切波羅蜜多成大導師度無量眾

第七佛名号

八

復次舍利子於此東方復有佛土名眾生生

彼土有佛名一寶蓋王如來應等正覺明行
 圓滿善逝世間解無上丈夫調御上天人師
 佛薄伽梵今現在彼哀愍世間為諸大眾說
 微妙法開示初善中善後善文義巧妙純一
 圓滿清白梵行若有得聞彼佛名者便得遠
 離一切憂苦祿位財寶無有退失惟除宿世
 定惡業因有能受持彼佛名者不失如前所
 獲功德隨在所生具大威德神通自在身帶
 光明形貌端嚴眾所樂見有能建立彼佛形
 像供養恭敬尊重讚歎不失如前所獲功德
 復於無量俱脤大劫常不枉生無佛世界修
 菩薩行大誓莊嚴成無上覺饒益一切

復次舍利子於此東方復有佛土名自在力
 彼土有佛名善逝定迹如來應正等覺明行
 圓滿善逝世間解無上丈夫調御士天人師
 佛薄伽梵今現在彼哀愍世間為諸大眾說
 微妙法開示初善中善後善文義巧妙純一
 圓滿清白梵行若有得聞彼佛名者心便寂

果七佛名號

九

靜離諸誼雜有能受持彼佛名者不失如前
 所獲功德復於無量俱脤大劫隨所生處身
 四威儀若語若默心常在定有能建立彼佛
 形像供養恭敬尊重讚歎不失如前所獲功
 德復於無量俱脤大劫隨在所生常得值佛
 速能究竟諸等持門成兩足尊度無量眾

復次舍利子於此東方復有佛土名最勝寶
 彼土有佛名寶華光吉祥如來應正等覺明
 行圓滿善逝世間解無上丈夫調御士天人
 師佛薄伽梵今現在彼哀愍世間為諸大眾
 說微妙法開示初善中善後善文義巧妙純
 一圓滿清白梵行若有得聞彼佛名者便得
 具足勝念慧行處四眾中說法無畏言詞威
 肅聞皆敬受有能受持彼佛名者不失如前
 所獲功德復於無量俱脤大劫隨在所生具
 念慧行成猛利智得勝聞持有能建立彼佛
 形像供養恭敬尊重讚歎不失如前所獲功
 德復於無量俱脤大劫隨所生處常值如來

辯才無礙廣宣妙法漸次修習福慧資糧成
天人尊度無量衆

復次舍利子於此南方有一佛土名寂靜珠
彼土有佛名起無邊迹如來應正等覺明行
圓滿善逝世間解無上丈夫調御士天人師
佛薄伽梵今現在彼哀愍世間爲諸大衆說

微妙法開示初善中善後善文義巧妙純一
圓滿清白梵行若有得聞彼佛名者其心泰
然無所擾亂有能受持彼佛名者不失如前
所獲功德復能速證月光勝定證此定已尋
復能證苑伽沙等三摩地門有能建立彼佛
形像供養恭敬尊重讚歎不失如前所獲功
德復於諸佛所說法門能遍受持深達義趣
照了無礙如日光明隨在所生常得值佛因
以速證無上菩提

復次舍利子於此南方復有佛土名最上香
彼土有佛名妙香王如來應正等覺明行圓
滿善逝世間解無上丈夫調御士天人師佛

受持七佛名號

十

薄伽梵今現在彼哀愍世間爲諸大衆說微
妙法開示初善中善後善文義巧妙純一圓
滿清白梵行若有得聞彼佛名者身心調暢
離諸麤重惡業消滅煩惱輕微有能受持彼
佛名者不失如前所獲功德復於來世隨在
所生具三十二大丈夫相一切有情同所瞻
仰有能建立彼佛形像供養恭敬尊重讚歎
不失如前所獲功德復於來世隨在所生常
得出家具清淨戒遊諸佛土聞法受持具足
修行一切功德由是速證阿耨多羅三藐三
菩提佛告舍利子若諸有情得聞如是七佛
名号受持供養必獲如前所說功德所以者
何如是七佛名号色像皆由本願大悲所成
故令衆生聞持供養皆獲如是利益安樂時
薄伽梵說是經已舍利子等諸大聲聞及諸
菩薩摩訶薩并諸天人阿素洛等一切大衆
聞佛所說皆大歡喜信受奉行

受持七佛名号所生功德經 七

景

大乘流轉諸有經

網密上流反覺已上音能詮下七全反

大意經

四經合卷

佛為海龍王說法印經

右遶佛塔功德經

般泥洹後灌臘經

妙色王因緣經

佛為海龍王說法印經

唐藏法師義淨奉 制譯

珍琦下音踰音扞音無涯下音宜又攬反繼負上居
蚡飛上紆跋行上渠蠕動上音跋般上蒲未反酸陀上
官懸續下音陵反

受持七佛名号所生功德經

焚慈朗羅筏下音俱胛下珍誼雜上音資糧下音良
苑伽上其陵反河名也 豎清滿書

如是我聞一時薄伽梵在海龍王宮與大苾芻眾千二百五十人俱并與眾多菩薩摩訶薩俱

尔時娑竭羅龍王即從座起前禮佛足白言世尊頗有受持少法得福多不

佛告海龍王有四殊勝法若有受持讀誦解了其義用功雖少獲福甚多即與讀誦八萬四千法藏功德無異云何為四

所謂念誦諸行無常一切皆苦諸法無我寂滅為樂龍王當知是謂四殊勝法

菩薩摩訶薩無盡法智早證無生速至圓寂